

BOSNIĆ



ALTERNATIVA



RUNE ZA POČETNIKE

ELEKTRONSKA
BIBLIOTEKA

Ahmed Bosnić

RUNE
ZA POČETNIKE

Drevno umijeće proricanja

ELEKTRONSKA BIBLIOTEKA



BACANJE RUNA

Ovdje sam sakrio magične rune, koje ni zle sile ne mogu da poremete. Onaj ko uništi ovaj spomenik umrijeće strašnom smrću!...

Ovako na jednom švedskom grobu glasi epitaf ispisan runama. Pored toga što su korištene za izricanje prokletstva na prastarim nadgrobnim spomenicima, rune su od najdavnijih vremena korištene u okultnim obredima - proricanja sudbine.

Nastale su u drugom stoljeću prije nove ere među nordijskim narodima na sjeveru Evrope, a predstavljaju, zapravo, slova starog alfabeta, koja su oduvijek bila povezana sa magijskim i proročkim značenjima.

Runski alfabet, koji se danas najčešće koristi za proricanje sudbine, sadrži 24 slova. Osim imena, svako slovo ima i svoje vlastito, odnosno proročko značenje. Tako, na primjer, osmo slovo se naziva WUNNA, ali se ne odnosi samo na ime nordijskog boga Wotanu nego ima i značenje koje se može tumačiti kao - SREĆA.

Jedna okultna tradicija kaže da je nordijski bog Odin prve rune naslikao vlastitom krvlju, a rimski historičar Tacit u svojoj Germaniji detaljno opisuje kako su sveštenici antičke Njemačke izvodili okultne obrede proricanja sudbine služeći se isključivo - runama!

Danas postoji više načina za otkrivanje budućnosti, ali ćemo se zadržati na onoj koju smatramo najboljom. Potiče iz mističnih antičkih tradicija i uvijek daje najimpresivnije rezultate.

Da biste mogli početi sa bacanjem runa, odnosno magičnih znakova, prvo morate napraviti - ploču za bacanje. To ćete najjednostavnije uraditi ako uzmete komad običnog kartona dimenzija 30 puta 30 cm i dijagonalama ga podijelite na jednake četvrtine (sl. 1).

Sa preciznim šestarom nacrtaćete krug koji se graniči sa ivicama kvadrata (sl. 2). U svakoj četvrtini, unutar kruga, upišite četiri elementa: gore - VAZDUH, desno - VATRA, dolje - ZEMLJA i lijevo - VODA (sl. 3).

Kada ste sve to učinili, spremite se za svoje prvo bacanje runa.

Napomena: ako želite da krugu date mističniji izgled, a mi vam to preporučujemo, obojite četvrtine kruga bojama elemenata: crno za Zemlju, žuto za Vazduh, crveno za Vatru i plavo za Vodu!

Bacanje: Rune okrenite licem prema ploči i dobro ih promiješajte. Pošto ste to učinili, sa ploče počnite uklanjati rune i to nasumice PET puta po TRI znaka. Na ploči će ostati - 9 runa. Ploču i krug na njoj zamislite kao sat na kojem brojka 12 po sredini presijeca četvrtinu koja pripada elementu Vazduh. Ako se kojim slučajem neka od preostalih runa nalazi tačno na 12 sati, okrenite je. Ako, međutim, to nije slučaj (a najčešće nije), okrenite prvu runu koja se nalazi desno od 12 sati. Zatim, krećući se u pravcu kazaljki na satu zanemarite sljedeće dvije i okrenite treću runu. Potom ponovo zanemarite sljedeće dvije i ponovo okrenite treću.

Tri rune koje ste izdvojili i identifikovali predstavljaju - pokazatelje vaše opšte situacije, a čitaju se u skladu sa tumačenjem runa u određenom elementarnom segmentu!

Kada ste protumačili te tri karte, uklonite ih s ploče. Tako ćete ostati sa šest runa. Ponovo ploču zamislite kao časovnik na kome ŠEST sati presijeca po sredini četvrtinu koja pripada elementu Zemlja. Okrenite runu koja se nalazi tačno na poziciji 6 sati, a ako to nije moguće, okrenite prvu runu koja se nalazi lijevo od 6 sati. Zatim preskočite sljedeću runu i okrenite prvu do nje. Opet zanemarite sljedeću i okrenite runu do nje.

Ponovo pred sobom imate tri okrenute rune. One ukazuju na finansije i pitanja u vezi s novcem i treba ih čitati u skladu sa značenjem runa. To su, naravno, opšta tumačenja. Obično će njihovo značenje u vezi s finansijskih pitanjima biti očito. Ako nije, koristite vaše intuitivne sposobnosti. Kada ste završili s tumačenjem tri karte koje se odnose na novac, uklonite ih s ploče.

Preokrenite tri preostala runska znaka i čitajte ih u odnosu na ljubavni život i seksualna pitanja Zainteresiranog, ali i u skladu s njihovim opštim značenjem.

Bilo da se odnose na opštu situaciju, novac ili ljubav, tri runska znaka se moraju protumačiti u odnosu jedan s drugim. Ovo je obično veoma lako - tri rune obično dopunjuju jedna drugu, značenje jedne očituje se uz pomoć druge dvije. Na osnovu ta tri runska znaka može napraviti koherentnu priču, tumačenje koje ima smisla.

Ponekad se, pak, čini da postoji element kontradikcije među značenjima dvaju runskih znakova. Tako, na primjer, tri rune koje morate protumačiti u vezi sa opštom situacijom mogu biti:

✦ **FEOH u segmentu Voda;**

✦ **SIG u segmentu Voda;**

✦ **IS u segmentu Vazduh;**



Značenje je sljedeće:

✦ **FEOH u Vodi:** Stvari će se poboljšati; ptimjećujete li da se postepeno interesujete za okultno?!...

✦ **SIG u Vodi:** Umjereni rizici mogli bi se isplatiti.

✦ **IS u Vazduhu:** Pazite, gazite po tankom ledu!

Očito da je značenja posljednje dvije rune u kontradikciji - SIG vas tjera na rizike, IS da ih izbjegavate. Ovdje se vidi fluidna situacija u kojoj vanjske snage igraju ulogu i za nju vam rune ne mogu dati savjet. Morate napustiti nagađanje i ponoviti postupak nakon dan-tri, do kada se situacija može razbistriti kako bi rune dale razumnu poruku.

